

# B E D A E A N G L O

S A X O N I S D E R A T I O N E

T E M P O R V M L I B E R. *Strictior.*

## C A P I T A L I B R I.

Temporis diuisio.

De die.

De nocte.

De hebdomada.

De mense.

De mensibus Romanorum.

De solstitio & æquinoctio.

De temporibus.

De annis.

De bissexto.

De circulo decennouenali.

De saltu lunæ.

Continentia circuli eiusdem.

Argumenta titulorum paschaliū.

De sacramento temporis paschalis.

De mundi ætatibus.

Cursus & ordo temporum.

Secunda ætas.

Tertia ætas.

De quarta ætate.

De quinta ætate.

De sexta ætate.

## T E M P O R I S D I V I S I O. C A P. I.

B



Tempora momentis, horis, diebus, mensibus, annis, seculis & ætatibus diuiduntur. Momentum est minimū atq; angustissimū tempus, à motu syderum dictum: Est enim extremitas horæ in breuibus interuallis, cum aliquid sibi cedit atq; succedit. Hora græcum nomen est, & tamen latinum sonat: ora enim finis est temporis, sicut & oræ sunt fines maris, fluuiorū, uestimentorum. Constat autem hora IIII punctis, X minutis, XL momentis. Et notanter propter errorem cauendum, quod computus partim natura, partim autoritate uel consuetudine nitatur: natura, ut annum communē XIIII menses lunares habere: consuetudine, ut menses XXX diebus computari: autoritate, ut hebdomadam septem ferijs constare.

Momentum  
à motu.

Hora.

## D E D I E. C A P. II.

Dies uulgaris est solis præsentia super terras, qui proprie XXIIII horis impletur. Hunc Hebræi, Chaldæi, & Persæ inter duos solis exortus: Aegyptij inter duos occasus numerant: Romani à medio noctis in medium. Umbri & Athenienses à meridie computant ad meridiem. Moses autem à mane usq; ad mane unum diem appellat. Sed Domino surgente uespera sabbati, lucebat in primam sabbati, ut homo de luce lapsus in tenebras, deinceps à tenebris rediret ad lucem.

## D E N O C T E. C A P. III.

Nox, est solis absentia terrarum umbra conditi, mortalibus ad requiem facta, ne opere diutino auida deficeret humanitas: ubi rigidior, ibi & ad opera minuenda membra fouenda prolixior. Cuius partes sunt septem: Crepusculum, id est, dubia lux inter lucem & tenebras: Nam creperum dubium dicimus. Vesperum, apparente stella huius nominis. Conticinium, quando

Crepusculum.  
Vesperum.  
Conticinium.

b omnia



*Intempesta.* omnia silent. Intempeftam, quod est medium & inactuofum noctis tempus.  
*Gallicinium.* Gallicinium, quando gallus refonat. Matutinum, inter abfcessum noctis, &  
*Matutinum.* auroræ aduentu; Et diluculum, quasi iam incipiens parua diei lux, hæc & Au-  
*Diluculum.* rora, solem præcedens.

DE HEBDOMADA. CAP. IIII.

**H**ebdomada feptem diebus constat, octauus autem dies idem primus est, ad quem reditur, eoque rursus hebdomada feper orditur. Hjs nomi- na gentilitas à Planetis indidit, habere se credēs à Sole spiritum, à Luna corpus, à Marte sanguinem, à Mercurio ingenium & linguam, à Ioue temperantiam, à Venere uoluptatem, à Saturno tarditatem. Sed Syluefter Feriās appellare com- stituit, primum diem Dominicum nuncupans, imitatus Hebræos, qui primam sabbati, secundam sabbati, & sic cæteros à numero nominant; apud quos heb- *Hebdomada* domada totidem etiã annis peragitur: qui hebdomadam quoq; hebdomada- *annorū apud* rum in diebus similiter habebant & annis. Quinquagesimum diem Penteco- *Hebræos.* sten, annum uero, Iubileum, id est libertatem uocantes.

DE MENSE. CAP. V.

**M**ensis lunaris incremento lunæ senioq; conficitur, dum **XXIX** & se- mis diebus paulo plus quàm Zodiacum peragit: sed facilitas cōputan- di trigenis, & undetrigenis diebus lunæ menses alternat. Solaris autem mensis **XXII** horis est amplior, ex quibus **XI** epactarum dies accrescunt, quibus sol lunæ cursum singulis annis exuperat. Duodecies enim uiginti & bini **CC** **DLXIIII** faciunt, & undecies uiginti & quaterni eundem numerū complent. Sed Hebræi menses à luna nascente, Romani à Calendis incipiunt, Aegyptij à quarto die Calendarum Septembriū usq; in nonum Calendarum earundem, **XXX** diebus suos menses putātes: Residuos uero dies intercalares appellant, qui primi ad solis cursum menses terminare cœperunt, ne lunæ uelocior & du- bius cursus impedimentum calculandi eis faceret.

DE MENSIBVS ROMANORVM. CAP. VI.

**R**omani autore Romulo **X** mensibus annum ordinatum agebant, die- bus **CCCIIII**, qui primum mensem genitori suo Marti dicauit; Secun- dum ab apertione frugum nominauit Aprilem: Tertium Maiæ matri Mercurij. Quartum Iunoni sacrauit: Quintili & Sextili, qui nunc à natiuitate Iulij Cæsa- ris, & Augusti triumpho nuncupātur, & cæteris sequentibus à numero nomē imposuit: Quorum initia Calendas appellauit, quia tunc calata, id est, uocata in Capitolium plebe, dicto quinquies uel septies uerbo calo, id est uoco, quot dies superessent ad Nonas pronuntiabatur. Nonas autē, quod nono ante Idus die confluere in urbem, scitaturi quid esset eo mense faciendum. Porro Idus diem qui medium diuidit mensem: Iduare enim Hetrusca lingua diuidere est. Hjs Numa duos menses adiiciens, Ianuariū à Iano, Februariū à Februo deo lustrationum nominando, actis **LIIII** diebus annum ad cursum lunæ disposuit, quē Iulius Cæsar **XI** diebus adiectis, sicut hodie seruator, instituit.

DE SOLSTITIO ET AEQUINOCTIO. CAP. VII.

**S**olstitia & æquinoctia bina putantur: **VIII** Cal. Ianuarij & Iulij, Aprilisq; & Octobris, octauis scilicet partibus Capricorni & Cancrj, Arietis & Libræ



**A** & Libræ. Sed æquinoctialis dies omni mundo æqualis est, uario autem lucis incremento. In Meroë longissimus dies XII horas æquinoctiales, & octo partes unius horæ colligit. Alexandriæ uero XIII horas: in Italia XV: In Britannia XVII. Vbi æstate lucidæ noctes haud dubie testantur id quod cogit ratiocredi: Solstitij diebus accedente sole propius uerticem mundi, angusto lucis ambitu subiectæ terræ continuos dies haberi senis mensibus, noctesq; è diuerso ad brumam remoto, quod fieri in insula Thyle Phitteas Massiliensis scribit, sex dierum nauigatione in Septentrione à Britannia distante.

## DE TEMPORIBVS. CAP. VIII.

**T**empora sunt uices mutationum, quibus sol accedendo uel recedendo anni temperat orbem: Hyems enim illo longius morante frigida est & humida: Ver, illo redeunte, humidum & calidum: Aestas uero, illo superferuente, calida & sicca: Autumnus, illo decedente, siccus & frigidus. Hæc autem antiqui sexto die ante Idus Februarias, & Maias, Augustasq; & Nouembres inchoabant, ut solstitia & æquinoctia in medio essent temporum. Ver autem orienti comparatur, quia tunc ex terris omnia oriuntur: Aestas meridiano, eò quod pars eius calore flagrantior sit: Autumnus occiduo, eò quod ob confiniũ caloris & frigoris graues morbos habeat: Hyems septentrioni, eò quod frigore torpeat.

Tempora unde.

## DE ANNIS. CAP. IX.

**A**nnus solaris uel ciuilis est, dum sol actis LXV diebus & quadrante Zodiacum peragit, quem Romani à bruma, Hebræi ab æquinoctio uerno, Græci à solstitio, Aegyptij inchoant ab autumno. Annus lunaris communis XII lunis, id est, diebus CCCLIII. Embolismus XIII lunis & diebus actis LXXXVIII implentur, à luna paschali sumentes initium. Annus magnus est, dum omnia sydera certis cursibus exactis ad locum suum reuertuntur, quem sexcentis annis solaribus Iosephus dicit impleri.

Annus solaris.

Lunaris. Embolismus. Annus magnus.

## DE BISSEXTO. CAP. X.

**B**issextus ex quadrantis ratione per quadriennium conficitur, dum sol ad sid signum, ex quo egressus est, non in actis LXV diebus, sed quarta diei parte superadiecta reuertitur. Verbi gratia: si nunc æquinoctialem cœli locum sol oriens intrauerit, in hunc anno sequenti meridie, tertio uespere, quarto medio noctis, quinto rursus in exortu recurrens, necessariò diem præmonet augendum: ne si forte non addatur, per CCCLXV annos æquinoctium uernale solstitiali diei præueniat, quem Aegyptij anno suo expleto, id est, IIII Calendarum Septembrium, Romani VI Calendarum Martiarum, unde & nomen accepit, interponunt. Breuiori autem & uulgari ratione bissextum retardatio generat solis, non ad eandem lineam post peractos LXV dies plene redeuntis: Quæ si, uerbi gratia, in æquinoctio uernali, quod iuxta Aegyptios XII Calendarum Aprilium die peruenit, surgentẽ à medio orientis diligenter adnotaueris, hunc anno sequenti, die uidelicet eodem, aliquanto inferius oriri, & tertio, quarto, quintoq; anno eandem diminutionẽ in tantum augeri reperies, ut nisi diem ante superadiicias, XI Calendas Aprilis æquinoctium facturum sol è medio surgat orientis, eandem scilicet tarditatem in cæteris quoque seruaturus exortibus.



BEDAE ANGLORUM SÆXONIS  
DE CIRCVLO DECENNOVENALI.  
CAP. XI.

**C**yclum decennouenalem propter XIII lunas paschales Nicæna Synodus instituit, eò quod ad eundem anni solaris diem unaquæque luna per XIX annos CCXXXV circumacta uicibus, inerrabili cursu redeat, qui diuiditur in ogdoadas, & hendecadas, hoc est, in VIII & XI annos: Octo enim anni lunares totidem annos solares duobus tantum diebus transcendunt: quorum alter ad explementum occurrit hendecadis, alter ratione saltus absumitur, alioqui hendecas solaris uno die transscenderet lunarem. Licet quidam uiolenter hos dies ex bissextis octo annorum supplere nitantur: cum bissextus soleat in mense Februario Soli superfusus, & lunæ futuro tempore nihil præiudicare, & ipsi nullum hendecadi bissextum addunt. Vt ergo apertius dicam, duo lunæ dies, qui supersunt in ogdoade, duos qui desunt in hendecade complent.

DE SALTU LVNAE. CAP. XII.

**S**altum lunæ locus & hora citior in scensionis eius per XIX annos efficitur. Quamuis enim quidam singulas lunas XXIX semis diebus computantes, in scensiones earum medio diei, & medio noctis semper alternent, non in hoc tamen ueritatem naturæ, sed calculandi facilitatem uel compendium inquirunt. Nam si naturam quæras lunæ primæ mensis, quæ nunc in meridie: & secundæ quæ nunc in medio noctis accenditur, anno futuro hora, & uno puncto, & decem momentis, & nonadecima parte unius puncti ante medium diei uel noctis illustratur. Hæc tamen distinctio non ad certum embolismi, uel communis anni terminum, sed ad æquam diuisionem XIX tendit annorum, sicq; per XIX annos paulatim lunaris ascensio sese præoccupando unius diei spacium amittens, ultimum decennouenalis cycli annum CCLXXXIII diebus facit computari. Quod si facere negligas, per XV decennouenales cyclos, XV tibi luna ubi prima putatur occurret.

CONTINENTIA CIRCVLI EIVSDEM.  
CAP. XIII.

**C**yclus idem paschalis VIII est lineis cõmunitus. Primus ordo continet annos ab incarnatione domini, unius singulis annis augmento crescentis. Secundus Indictiones Romanorum, quæ in se semper XV annorum cursu reuoluuntur. Tertius Epactas XI lunares, quæ per singulos annos solares adcursum lunæ succrescunt, & ad lunam Calendarum quarendam semper adiiciuntur positæ XI Calendas Apriles. Quartus concurrentes septimanæ dies, quæ positæ IX Calendas Apriles, propter dispendium bissexti necessariò XXVIII annis implentur: Quarum ratio cogit cyclos decennouenales XXVIII describi, ut singulæ concurrentes singulos cyclos inchoent. Totæ summa paschalis calculi DXXXII annis explicetur. Quintus cyclum lunarem, quem tribus annis decennouenalis præcedit: XIX annis etiam ipse comprehensus. Sextus XIII lunas, quibus ueteres pascha faciebant, quæ à



A XII Calendas Apriles usque in XIII Calendas Maías uario discursu uar-  
gantes, tempus incensionis ab VIII Idus Martias usque in Nonas Apriles  
accipiunt: A XIII autem luna usque ad XIII anni sequentis dies sunt  
CCCLIII, si communis annus est: Si embolismus, CCCLXXXIII,  
septimo, dies dominicæ paschæ reperiuntur ab XI Calendarum Aprilium  
usque in VII Calendas Maías, ob rationem embolismorum licenter exten-  
di, ultimo ordine luna festi paschalis à XV usque in XXI propter diem  
dominicum uariata: † adimit enim saltus noctem, addit uero ætatem, quæ † aufert  
per omnem cyclum adoleuit. Sed in hoc nox adimitur, quod ante luna de-  
ficit, quod putatur, naturaliter uero nox ipsa perseverat, quæ nox initium  
est futuri anni, & cycli incipientis exordium: propter quod idem ultimus an-  
nus Epactas XVIII tunc retinens, primo anno non XI, ut in cæteris an-  
nis fieri solet, sed XII dies accommodat. Et quia XXX dierum fine re-  
uoluuntur, nulla Epacta in principio cycli ponitur.

## ARGUMENTA TITVLORVM PASCHAE

## LIVM. CAP. XIII.

**S**I nosse uis quot sint anni ab incarnatione Domini, scito quot fuerint or-  
dines Indictionum, ut puta V anno Tiberij Principis XLVI, hos per  
XV multiplica, fiunt DCXC. Adde semper regulares XII, quia quarta  
Indictione secundum Dionysium Dominus natus est, & Indictionem anni  
B cuius uolueris, utpote in præsentis septimana, fiunt DCCIII. Isti sunt anni na-  
tiuitatis domini. Si uis scire quota sit Indictio, sume annos Domini, & ad-  
ijce tria, partire per XV, & quod remanserit ipsa est Indictio anni præsentis.

Si uis scire quot sint Epactæ lunares, partire annos Domini per XIX, & Epactarum  
quod remanet multiplica per XI. Item partire per XXX, & remanent Epa-  
ctæ. Si uis scire concurrentes VII dies, sume annos Domini, & eorundem  
quartam partem adijce: Hijs quoque quatuor adde, quia quinque concu-  
rentes fuerunt anno natiuitatis Domini, hos partire per VII, & remanent  
Epactæ solis. Si uis scire quotus sit annus circuli decennouenalis, sume an-  
nos Domini, & unum adijciens, quia eiusdem anno secundo natus est Do-  
minus, partire per XIX, & quod remanet ipse est annus cycli decennoue-  
nalis. Si uis scire quotus cyclus lunaris est, sume annos Domini, & duo  
subtrahens diuide per XIX, & quod remanserit ipse est annus circuli luna-  
ris. Si uis nosse bissextilem annum, partire annos Domini per IIII, quan-  
tum remanserit, tot sunt anni à bissexto. Hijs ergo ad certum inuentis facile  
diem paschæ lunamq; reperies. Quod si à præsentis post aliquot annos, uerbi  
gratia post C, pascha scire uelis, Epactas tamen, & concurrentes solis dies  
inuenire sufficit, partire autem centum per XIX, remanent V. Illas ergo  
scito Epactas centesimo quinto anno futuras. Eodem modo certum per  
XXVIII diuidens, eas centesimo, quas XVI anno concurrentes so-  
lis inuenies.



**I** Deo autem Pascha non ad eundem redit annidie[m], sicut tempus dominicæ natiuitatis, quod ibi natiuitatis ipsius memoria tantum solennis habetur: hic uero uitæ uenturæ, & mysteria celebrentur, & munera capiantur: Vnde & nomen ipsum Paschæ transitum de morte ad uitam significans, congruum quoque mysterijs tempus inquirat. Primo, ut æquinoctio transceso, tenebræ mortis à uera luce uincantur. Deinde, ut primo mense anni, qui dicitur mensis Nouorum, uitæ nouæ gaudia celebrentur. Tertio, ut resurrectio die tertio facta, & tertio tempore seculi, id est, sub gratia manifestata, cui iam ante legem, & sub lege in prophetico lateret ænigmate, in tertia lunæ septimana ueneretur, cum & ipsa tunc lunæ conuersio mentis gloriam de terrenis ad cœlestem doceat mutari contuitum. Atque ad ultimum, ut dies dominica conditione lucis insignis, & triumpho CHRISTI ueneranda, nostra quoque resurrectione nobis optabilis in memoriam reuocetur.

*Pascha transitum significat.*

## DE MUNDI AETATIBVS.

## CAP. XVI.

**S** Ex ætatibus mundi tempora distinguuntur. Prima ætas ab Adam usque ad Noë continens generationes X, annos uero M. DCLVI, Quæ tota perijt diluuió, sicut infantiam mergere solet obliuio. Secunda à Noë usque ad Abraham generationes similiter complexa X, annos autem CCXCII: Quæ in lingua inuenta est, id est Hebræa. A pueritia nanque homo incipit nosse loqui post infantiam, quæ & nomen inde accipit, quod dari non potest, id est loqui. Tertia ab Abraham usque ad Dauid generationes XIII, annos uero DCCCCXLII continens. Et quia ab adolescentia incipit homo posse generare, Matthæus generationum ex Abraham sumpsit exordium, qui etiam pater Gentium constitutus est. Quarta à Dauid usque ad transmigrationem Babylonis generationibus æque iuxta Matthæum XIII, annis autem CCCCLXXIII porrecta, à qua Regum tempora cœperunt: Iuuenilis enim dignitas regno est habilis. Quinta deinde usque ad aduentum Saluatoris in carnem generationibus & ipsa XIII, porrò annis DLXXXIX extenta, in qua ut graui senectute fessa malis crebrioribus plebs Hebræa quassatur. Sexta, quæ nunc agitur, nulla generationum uel temporum serie certa, sed ut ætas decrepita ipsa totius seculi morte finienda.

*Infantie nomen.*



A  
CURSVS ET ORDO TEMPO-  
RVM. CAP. XVII.

**P**rima ergo ætas continet annos iuxta Hebræos M. DCLVI. Iuxta Septuaginta Interpretes  $\overline{\text{II CCXLII}}$ . Adam annorum CXXX genuit Seth, qui pro Abel natus est. Seth annorum CV genuit Enos. Ille cœpit inuocare nomen Domini. Enos annorū XC genuit Cainan. Cainan annorum LXX genuit Malaleel, qui interpretatur plantatio Domini. Malaleel annorum LXV genuit Iareth. Iareth annorum CLXII genuit Enoch, qui est translatus à deo. Enoch annorum LXV genuit Mathufalam. Concupiscunt filij dei filias hominum. Mathufalam annorum CLXXXVII genuit Lamech. Gigantes nati sunt. Lamech annorum CLXXXII genuit Noë, qui Arcam ædificauit. Noë anno DC uenit diluuium.

## DE SECUNDA ÆTATE. CAP. XVIII.

**S**ecunda ætas continet annos iuxta Hebræos CCXCII. Iuxta Septuaginta Interpretes  $\overline{\text{DCCCCXLII}}$ , uel adiecto Cainan M. LXXII. Sem anno II post diluuium genuit Arphaxat, à quo Chaldæi. *Ar/ Chaldæi.* Arphaxat annorum XXXV genuit Sale, à quo Samaritæ & Indi. *Salean/ Samaritæ.* Sale annorum XXX genuit Heber, à quo Hebræi. Heber annorum XXXIIII *Indi.* genuit Phalech. Turris ædificatur. Phalech annorum XXX genuit *Hebræi.* **B** Reu. Dij primum adorantur. Reu annorum XXXII genuit Seruch. Regnum Scytharum inchoat. Seruch annorum XXX genuit Nachor. Regnum Aegyptiorum nascitur. Nachor annorum XXIX genuit Thara. Regnum Assyriorum & Sicyoniorum exoritur. Thara annorum LXX genuit Abraham. Semiramis condidit Babyloniam.

## DE TERTIA ÆTATE. CAP. XIX.

**T**ertia ætas continet annos  $\overline{\text{DCCCCXLII}}$ . Abraham annorum LXXV uenit in Chanaan. Abraham annorum C genuit Isaac. Nam primo genuit Ismaël, à quo Ismaëlita. Isaac annorum LX genuit Jacob. Regnum inchoat Argiuorum. Jacob annorum XC genuit Ioseph. Memphis in Aegypto conditur. Ioseph CX annos uixit. Græcia sub Argo segetes habere cœpit. Hebræorū seruitus annorum CXLIIII. Cecrops Athenas condidit. Moses annis XL rexit Israël. Lacedæmon conditur. Iosue annorum XXVI. Iudices à Mose usque ad Samuel præfuerunt annis CCCV. Othoniel annis XL. Cadmus Thebarum rex Græcas literas inuenit. Aoth annis LXXX. Amphion musicus clauit. Debbora annis XL. Primus Latinis regnat Picus. Gedeon annis XL. Orpheus Linusq; musici clauerunt. Abimelech annis III. Ille fratres suos septuaginta interfecit. Thola annis XXIII. Priamus regnat in Troia. Iair annis XXII. Carmentes Latinas literas reperit. Iepthe annis VI. Hercules se flammis iniecit. Abessan annis VII. Bellum Troiæ decennale surrexit. Achialon annis X. Hic in LXX Interpretibus non habetur.

b 4 Labdon



C Labdon annis VIII. Aeneas uenit in Italiam. Samson annis XX. Afcanius Albam condidit. Heli annis XL. Regnum Sicyoniorum finitur. Samuel & Saul annis XXXII. Lacedaemoniorum regnum exoritur.

## DE QVARTA AETATE. CAP. XX.

QVarta aetas continet annos iuxta Hebraeos CCCCLXXIII. Translatores Septuaginta XII adijciunt. Dauid annis XL. Carthago à Didone conditur. Solomon annis XL. Qui templum aedificauit anno CCCCLXXX egressionis ex Aegypto. Ex quo apparet Samuel & Saul XXXII annis, non XL praefuisse. Roboam annis XVII. Regnum Israël & Iuda diuiditur. Abias annis IIII.

Pontifex Abimelech insignis habetur. Afa annis XLI. Hic Prophetes occiditur ab Afa rege Israël. Iofaphat annis XXV. Helias, & Abdias, Michrasque prophetant. Ioram annis VIII. Eodem defecit à regno Iudæ. Ochozias anno I. Helias rapitur. Athalia annis VI. Ionadab filius Rechab sacerdos claruit. Ioas annis XL.

Zacharias Ioiadæ filius lapidatur. Amazias annis XXIX. Amos prophetat in Israël. Ozias annis LII. Assyriorum regnum in Medos transfertur, quod à belli principio steterat, annis M. CCCV. Ioathan annis XVI. Ozee, Iohel, Esaiasque prophetant. Achaz annis XVI. Roma conditur, & Israël in Medos transfertur. Ezechias annis XXIX. Romulus centum Senatores constituit. Manasses annis LV. Numa duos menses adiecit. Amon annis II. Tullus in Republica censum egit. Iofias annis XXXI. Thales physicus claruit. Ioachim annis XI. Huius anno tertio Nabuchodonosor Iudæam cepit. Sedechias annis XI. Templum Hierosolymitanum incensum est.

## DE QVINTA AETATE. CAP. XXI.

QVinta aetas continet annos DLXXXIX. Hebraeorum captiuitas anno LXX. Iudith historia conscribitur. Darius annis XXXVI. Huius secundo anno templum Hierosolymis extruitur. Primus autem regni eius inter septuaginta annos captiuitatis Iudaicæ concluditur.

Xerxes annis XXII. Herodotus historiographus agnoscitur. Artabanus mensibus VI. Socrates nascitur. Artaxerxes annis XL. Esdras legem, Neemias Hierosolymam restaurat. Darius, qui & Notus, annis XVIII. Plato nascitur. Artaxerxes annis LX. Hester historia completur. Artaxerxes, qui & Ochus, annis XXVI. Demosthenes, & Aristoteles prædicantur. Xerxes Ochi filius annis IIII. Xenocrates claruit. Darius annis VI. Hucusque regnum Persarum, dehinc Græcorum. Alexander annis V. Nam VII eius anni cum Persarum regibus supputantur. Ptolemæus Lagi filius annis XL. Machabæorum liber inchoat. Primus Philadelphus annis XXXIII.



A XXXIII. Septuaginta Interpretes claruerunt. Euergetes annis XXVI. Iesus sapientia librum composuit. Philopater annis XVII. Machabæorum liber secundus inchoat. Epiphanes annis XXIII. Romani Græcos obtinuerunt. Philometor annis XXV. Hunc Antiochus superans Iudæos oppressit. Euergetes annis XXIX. Brutus Hispaniam subegit. Soter annis XVII. Varro Cicerone nascuntur. Alexander annis X. Syria per Gabinium ducem subijcitur Romanis. Ptolemæus Cleopatæ filius annis VIII. Sallustius historiographus nascitur. Dionysius annis XXX. Pompeius Iudæam cepit. Cleopatra annis XXII. Hucusque regnum Græcorum, nunc Romanorum. Iulius Cæsar annis V. Ab hoc Cæsares *Cæsares* appellati.

## DE SEXTA AETATE. CAP. XXII.

Sexta ætas cõtinet annos præteritos DCCVIII. Octavianus annis LVI. Huius anno XLII Dominus nascitur, completis ab Adam annis III DCCCCLII. Iuxta alios, V CXCIX. Tiberius annis XXIII. Huius anno XVIII Dominus crucifigitur. Gaius annis IIII. Matthæus Evangelista scribit. Claudius annis XIII. Petrus Romam, Marcus Alexandriam petit. Nero annis XVIII. Petrus & Paulus cruci gladioq; traduntur. Vespasianus annis X. Huius secundo anno Hierosolyma subuertitur.

B Titus annis II. Hic facundus & pius fuit. Domitianus annis XVI. Ioannes in Pathmon relegatur. Nerua anno I. Ioannes Apostolus Ephesum rediens Euangelium scripsit. Traianus annis XIX. Simon Hierosolymorum Episcopus crucifigitur, & requiescit Ioannes Episcopus. Hadrianus annis XXII. Aquila interpretis habetur. Antonius Pius annis XXII, mensibus IIII. Valentinus & Marcion agnoscuntur. Antonius minor annis XIX. Cataphrygarum hæresis exoritur. Commodus annis III. Theodotion interpretis habetur. Aelius Pertinax anno I. Seuerus annis XVIII. Symmachus interpretis habetur. Antoninus Caracalla annis VII. Quinta editio Hierosolymis inuenitur. Macrinus anno I. Aurelius Antoninus annis IIII. Sexta editio Nicapoli reperitur. Alexander annis XIII. Origenes Alexandria claruit. Maximus annis IIII. Hic persequitur Christianos. Gordianus annis VII. Fabianus Episcopus Romæ celebratur.

Philippus annis VII. Hic primus Christianus Imperator fuit. Decius anno I. Antonius monachus claruit. Gallus & Volusianus annis II. No uatiana hæresis exoritur. Valerianus annis XV cum Galieno. Cyprianus martyrio coronatur. Claudius annis II. Paulus Samosatæ hæresim condidit. Aurelianus annis V. Hic persequitur Christianos. Tacitus anno I.

Probus annis VII. Manichæorum hæresis exorta est. Carus annis II. Iste de Persis triumphauit. Diocletianus & Maximianus annis XX. Iste persequitur Christianos. Maximinus Seuerusq; annis II. Constantinus annis XXXI. Nicæna Synodus cõgregatur. Constantius & Constans annis XXIII. Ossa Andree & Lucæ Constantinopolim transferuntur. Iulianus annis II. Hic ex Christiano paganus persequit Christianos. Iouianus anno I. Hic cum omni exercitu Christianus efficitur. Valentinianus annis



† *aliis* XI † XIII qui à Iuliano ob fidem Christi militia fuerat priuatus. Gratianus  
 C annis IIII. Ambrosius & Martinus Episcopi clarescunt. Valens annis  
 III. Valentinianus cum Theodosio annis IX. Hieronymus in Bethleem  
 prædicatur. Theodosius annis III cum Arcadio & Honorio. Anchorita  
 Ioannes claruit. Arcadius annis XIII cum fratre Honorio, Ioannes Chry  
 sostomus & Augustinus Episcopi prædicantur. Honorius annis XV cum  
 Theodosio minore. Cyrillus Alexandria claruit. Theodosius minor an  
 nis XXVI. Ephesina Synodus Nestorium condemnat. Martianus annis  
 VII. Chalcedonense Concilium geritur. Leo maior annis XVII. Aegy  
 ptus errore Dioscori latrat. Zenon annis XVII. Corpus Barnabæ Apосто  
 li reperitur. Anastasius annis XXVI. Fulgentius Episcopus prædicatur.  
 Iustinus annis IX. Acephalorum hæresis abdicatur. Iustinianus annis  
 XXXIX. Huius VI anno Dionysius paschales circulos inchoat. Iusti  
 nus minor annis XI. Armenij fidem Christi suscipiunt. Tiberius annis  
 VII. Herminigildus rex Gothorum martyrio coronatur. Mauritius annis  
 Saxonnes Bri= XXI. Gregorius Romæ floruit Episcopus. Phocas annis VIII. Saxo/  
 tanni. nes in Britannia fidem Christi percipiunt. Heraclius annis XXXV. Iudæi  
 in Hispania Christiani efficiuntur. Heraclionus cum matre sua Martina an  
 nis II. Constantinus filius Heraclij mensibus VI. Constantinus filius  
 Constantini annis XXVIII. Eclipsis solis facta est indictione septima,  
 v Nonas Maias. Constantinus filius Constantini superioris annis  
 XVII. Hic sextam Synodum composuit. Iustinianus fi  
 lius Constantini annis X. Africa restaurata est im  
 perio Romanorū. Leo annis III. Re  
 liquum sextæ ætatis deo  
 soli patet.

BEDÆ ANGLOSAXONIS DE RA  
 TIONE TEMPORVM LI

BRI//FINIS.

*structoris*

BEDÆ